

1931 ие

СЕНТЯБРЯНЬ

22

чись

№ 67

ЛЕНИНЭНЬ КИЯВА

Рав-Кунчкань Крайкомонь ды Эрзя-Мокшонь ВЛКСМ-энь Обкомонь газетазо

„ПО ЛЕНИНСКОМУ ПУТИ“ Орган Средне-Волж. Крайкома и Мордовского Обкома ВЛКСМ

Лиси 3 чинь ютюзь

Адресэзэ: г. Саранск, Советская ул. № 52.

ЛИСИ ВАСЕНЬ ИЕ

Питнезэ: 1 ковс—20 тр, 6 ковс 1 ц. 20 тр, иес—2 ц. 40 тр.

Саранской маслзаводось кармась робутомо Сталин ялганть невтеманзо коряс

Комсомолонь ячейкась стясь васенце турицякс производствасонть
Кеместэ туремс Сталин ялганть невтеманзо нис

Боевойстэ маштыть обезличканть

Саранской маслзаводос Сталин ялганть 6 вопросенъ ваньныз ды кармась ветямо сынт эсист производствас.

Хозрасчет ланкс маслзаводось ютась 13/11 те истэ, обезличкань маштумась ды сдельщина въетямось кепидизе маслзаводонь производстванть, кепидизе рабочеень зарплатанть. Бути икеле колобай ды эрва мезень усхициань пансть 36 целковой, а квалицированной робочейне жаровщикне пансть 64 целковой, то сдельщина въетямонть мейле кармась пандомо усхицианть—50 целковать, а жаровщикне—100 цел. Обезличкань маштумась кармась эрва робочей ёндо вешме отвечамка эсь станоконзо кисэ, теде станокне кармась робутомо седык вадрясто икелень робутанть коряс. Производственной вейке ковань планось топавтезь 116 процент ланкс Весе робочейтне не прибавась зарплатась 28% ланкс.

Сталин ялгань невтеманть коряс маслзаводос аравтозь 2 сех те паро рабочейте седи срейстэ ащидя квалификация ланкс: техникс, заводонь дежурнойкс.

Робочей виесь заводонть саты Эрва чи робочейтне сыть заводонть велестэ, анцяк аламо эщо квалицированной робочей виесь, но те виенть маслзаво-

дось аноксты. Самарань ФЗУ-со 32 од ломать, конат школань прядмодо мейле сыть робутомо маслзаводос.

Теде башка ульнестъ ветязь 1 ковань машинистонь курст, конатненъ ланкс кучневсть 18 ломать.

Комсомолось маслзаводосо ветипаро робута. Улят пурназь комсомолонь сигнальной постт, конат ваньныть а сатыксанъ мельга ды сеск жо максыть содамс администрациянтень комсомолонь организациясь эрва чистэ касм. 17 МЮД-нь празникстэ совасть комсомолс 8 од ломать.

Робочейтне макснестъ ламо рационализаторской предложеният. конат максъ ламо тыщат экономия. Анцяк 13 июньстэ те шкас ульнестъ максозь 4 предложеният, конат максъ 25.000 целковой экономия.

Ударничествасо каподезь 43 рабочейте. Весе ударившени максозь премия.

Комсомолонь организациясь эщо эзинэ вадрясто вант Сталин ялгань 6 невтемантень: носон производственной совешавия ланкс евтязэсь валозо сенькувалт што производствасо комсомолонь ащитъ веседе икеле; эсь сигнальной постван ланкс, сьнь пек ваньныть ды маштыть ильведкнень производствасо.

«ЛК» бригадозо Н. СОФРОНОВ, С БЕРЕЗНИКОВСКАЯ.

Горкомось эзь кунда.

Саранск ошонь комсомолонь горколлективесь Сталин ялгань невтемантень теветветямонть кувалт мезеяк эзь тейть. Ячейкава кодамояк дерективат теъ, кувалт апак кучт.

—Эзинек кенерть эщо, кундам—кортыть горкомонь роботникне.

Ней жо маштомс оппортунистической вануманть теъ кувалт сехте маласо чистэ улест весе ячейкава ваннозь Сталин ялгань невтеманте, эрва ячейка кундазо витвеме эсь производстванть не невтемантень коряс.

Бригада. Березовская. Софронив.

Сексень перевозкантень эзь анокставт

Саранской станицань комсомолонь организациясь сексень перевозканть кувалт мезеяк а робуто, комсомолонь руководствась эвляк коев ланкс. Производствасо комсомолонь аневявть. Сопелькестамонь договорсь Кобылкина марто а топавте. Весе не фактэ кортыть теде, што комсомолонь руководстванть марто эрви тееме мезеяк, штобу сыргавтомс сынет робутанть.

Горкомонть эрви ней жо ванномс те комсомолонь организациянтэ ды максомс калгодо руководства сексень перевозканть кувалт.

Бригада Н. Сафронов, Березниковская.

Куриловань ячейкась моли весе-меде икеле

Сюронь анокстамо планонть топавтизе 80 проц. ды силосонь планонть 100 проц.

Арадо ве ряц Куриловань ячейканть марто.

Ромодановань районсо, курилова велень комсомолонь ячейкась сюронь анокстамонь ды силосонь строительствань коряс ударной декадникенть ютавтомсто тейсь истят робуто: сон 17 МЮД нть лемс пурназь сюронь ускомань 10 якстере обозст, конатнеса государствас ускысть суро 4500 пондо. Ней сюронь ускума планось топавтезь малав 80 процент ланкс.

Силосонь заданиясь топавтезь чувствэ 4 ямат чапавтызь весе 4 яматненъ.

Комсомолонь те декадникенть ютавтызь вейс сьлмазь лия кампаниянтень марто. Сынъ

активнасто робутоастъ ярмаконь пурнамосо, колхозонь кемекстамосо, сексень видимасонть ды лов алов сокамасонть.

Ярмаконь пурнамо планонть, вельхозналогонь коряс топавтезь 100 проц. ланкс, самообложениань коряс 100 проц. ланкс, замомонь микшнемас 100 проц. ланкс. Сексень видемась 100 проц. ланкс. Лов алов сокамонтэ 35 процент ланкс явизь тягловой виенть.

Комсомолонь колхозонь скотинатненъ ланкс сайстъ шеф, робутоить скотинань бардазонь срямомсо.

филькин, Еделькин.

Илядо лотка не достижениятне ланкс.

Ромодановань районсо, ст Ми хайловка лемсэ уле комсомолонь ячейка. Ячейкасонть робутоась кувалт молсь самотеком, арадель кодамояк комсомолонь касума. Ней комсомолонь райкомось ячейканте кучсь од секретарь, конась ладизе ячейкань робутанть вода эрви.

Сонзо пинестэ лоцизь комсомолонь касумасо самотеконть. Комсомолонь ячейкась од примась 6 ломать ды макс партияз 2 активной комсомолонт. Комсомолонь вийсэ сентбяр ковань 6 чистэ сазь 10 час самс 17 МЮД оть лемс пурназь

кавто якстере обозст, конатнеса ускысть государствас суро 2.100 пондт.

Весе мезэ комсомолонь вийсэ пурнасть 5 сюронь якстере обозст. Истя жо Михайловкань комсомолонь Хеленевка велень «Красной партизан» колхозонте пурнасть комсомолонь ячейка.

Комсомолонь ячейканте не достижениятненъ ланкс лоткамс а эрва. Эрвае штобу виентемс седияк пек ячейкань робутоась. Туремс боевойстэ кампаниянтень ютавтомасо. Кармамс политучебань ютавтомсо.

Ф. Кипякин.

Подросткатненъ нормадо

Промышленостень подросткань норматне велень хозяйствас а маштовить. Эрвае велень хозяйствасо истямо нормат, конат ладывольть бу велень хозяйстванть. Эрвае эйкакшань шканть ловомс 12 иес, подросткань шканть 12 иес, та 16 иес ды явомс истямо група ланкс: 12 вестэ 14 иес, 14 вестэ 16 иес.

Тестэ минь теидянк истя, штобу эйкакшось прядовлизе 4 иень велень шволанть. Ансяк теде мейле волдамс подросткатненъ производственной робутоась. Истямо подросткань шкань теемась ды група ланкс авомась максы лезэ сень коряс, што неяви эрва подросткатненъ виент. Лиякс мереме карме невлемо, кодамо робутоась подросткань ды седеяк пек тейтерькань кучомс. Не теветне кармить седи пек ванстумо эйкакшань робутоань теиманть од колхозникненъ ютсо. Теде башка истямо те подросткань шкань ладямось максы сень, што 16 иесэ од колхозникс карме тонавтнеме вейке те, спе-

Кода ладямс подросткань рбутоась колхойсэ

циальность, мезесь карме кепедеме подросткань лезанзэ колхозонтень.

Эйкакшань робутанть кувалт эрвае икелеяк а нолдамс хозяйственно—производственной тевет колхойсэ 12 иесэ эйкакшань.

Буди уж ветямс, востосави робутанть истямо эйкакшань ютсо, сестэ эрвае ветямс ансяк сень кис, штобу тснавтомс сонзо производствань теветненъ политехнизациянъ задачатненъ коряс. Секс комсомолонь ды колхозонь организацянтень задачат ащи сень эйсэ, штобу ветямс эйкакшань робутанть эрва тевет пионерорганизациянъ ды школа марто. Вейсэ теъ марто эрвае кизень робутомо шкасто вишкылгавтомс эйкакшань робутанть ды седеяк пек колхозникненъ эсист башка кудонь теветэ. Те теветанть пек лезадо пионерань организациясь.

Эйкакшань робутанть эрвае ладямс политехнизациянъ задачатненъ коряс. Эрвае

содамс, што маласо иетнестэ колхозонь тевет эрвае седи ламо квалицированной кадрат, мезенть пек решитъ механизированной колхознэ. Секс ней тонавтомс теветанъ а эрвае ладямс ансяк бригадасо ды башка тонавтнемасо.

Ней колхознестэ мивек крайсэ эрвае тонавтоманть ветямс истя, штобу сон улелель кеместэ сьлмазь специальностень ды общей тонавтоманть марто.

Тонавтомс формаке эрвае сакемс колхозонь од ломанень шволанть. Вейсэ теъ марто а эрвае стувтомс сень, вода карме касома ды мезень коряс вилелгадомо колхозонь хозяйствась.

Подросткань робутомо чись

Колхозонь кемекстамось мивек крайсэ ды конкретной задачатне те иестэ мерить тееме истямо подросткань робутомо чи, конась бу колхозонтень максволь-

седи ламо лезэ ды авулизе сае шумбра чинть подросткатненъ пельде.

Робутомо чись, конась ульнестъ башка эрицань хозяйствасо, улезэ пек вишкылгавтозь. Эрвае 12 ды 14 иень эйкакшань ладямс 6 част, 14 ды 16 иень эйкакшань 8 част.

Кизень виев робутомо шкасто кой-косто эрвае робутомо чинть покшолгавтомс 2 часос ансяк 14 ды 16 иень эйкакшань ютсо. Ансяк истямо робутоань чи а эрвае максомс 14 ды 16 иень тейтерькатненень. Подросткань робутомо чись истя жо сови тонавтнимась. Комсомолонь ды колхозонь организациянтенень эрвае вадрясто ды ильведкстэме ютавтомс подросткань норматненъ ды робутомо чинть эрва колхойсэ.

Ней колхознестэ улить промышленной предприятия (кузницат, витнима мастерскойте, база а ды лият). Не предприятиянтесэ подросткань норматне ды робутомо чинте улест истят жо, конат улить промышленностсэ а повш именованья марто.

(Пезэ сы номерсэ).

Лездамс „Валдо чи“ колхозонтень,

Ичалонь районсо, Од Ичалкань «Валдо чи» колхозось 40 процент тягловой силанть ертомс лов алов сокамонтень эзизе ютавто. Планонь коряс эрвае лов алов сокамс 220 гектар, сьнь те шкамс эсть кундаль сокамонтень. Правлениянъ члентне кортыть лов алов сокамонтэ таркас: —Нать сюронь кащык паксы. Мивек алашанок лоткасть акамодо.

Эрвае «Валдо чи» колхозонте лездамс. МТС., макст лов алов сокамонтэ тракторт, а колхозонь правлениянъ эрвае, штобу курокто башка участканъ лац аравтнеме колхозникненъ ды тягловой виесь.

Наксады 100 центнер вика, кие чумось?

Атяшевонь коопсоюзонь складсо наксалить 100 центнерт вика. Мекс сьнь наксалить? Сьнь наксалить секс, што сынет, кода летькстэ привизь истяк вализутомс. Эрвае, штобу курокто ко стямс виканть Чумось муеме ды тердеветемс отвечамо.

ВЕЛЬКЕМ.

Эрва комсомолонь ячейканень тонавтомс Постышев Ялганть докладонзо.

ВКП(б) ЦКань секретарень Постышев ялганть докладозо ВКП(б)нь ЦКань культпрогонь совещаниясо *)

Од обстановкась аравты од задача марксистско-ленинской воспитаниясо

Од обстановкосо, од условиясо савкшны партиантень эсь рядовзо ютавтомо теве марксистско-ленинской воспитаниянь. Кодаможо од обстановкань основазо ды кодат од задачат аравты марксистско-ленинской воспитаниясь? Тень ланксо мерде монень лоткамс парсте.

Васняк эрви саемс учет тевезь ды тевица сдвигнень, конат молить СССР-энь рабочей классонть свал генеральной линиянь теве ютавтозь ды сонзэ основанть коряс партияс вейвель пещ маштызе безработицанть, пачтизе рабочей классонть покш касумас. Вейсэ те марто рабочей классонть тевезь покшт качественить сдвигт. Пек полавтовсь рабочей классонь возрастной составось. Саты меремс сень, што Донбассонь каменноугольной промышленность-сэнь 1930 иестэ весе рабочейт неде 76 проц, конатненень 22 иеть. Пек неявики истяжо источниксь, конато пурнавкшныть од промышленностьень кадратне. 1930 иень Донбассонь горнякнень сермадовксонть коряс рабочей ютксто максозь од кадрат 17,8 проц., социалтнень ютксо 69,4%, служащейтнень ютксо 1,5 проц., кушартнень ютксо 1,1 проц., прочейтнень ды торговочтнень ютксто 0,1 процент.

Меде кортыть не дыфратне? Сын кортыть седе, што сыре рабочеень кадратне, конатненень кут мерест удаю ульнеть колмо револуцият, пильгедь пильгс турсть вейсэ партианть марто ленинизманть кис троцкизманть ды витнень каршо, аламгадыть од кадратнень коряс. Ламо эйстэст лить стройстэ, ламо тусть выдвигенецкс эрва кодат руководящей робутас. Неть, конат кадовсть производствосо ащить костякокс, основной адракс минек рабочей классонь. Эпо весть мерян, што сын аламо ды яла аламгадыть.

Вейсэ те марто остатка иетне стэ рабочей классонь составонть совасть ды яла совить ламо од ломанень кадрат, конат эзизь юта капиталистической фабрикань школанть ды гражданской войнань школанть. Те молдиякось аволь чуросто канды мартуно производствас, пролетарийтнень юткс мелко-буржуазнойть мельть.

Вана те рабочей ломанесь карми касомо эсь удельной весээнзэ рабочей классонь составсо. Неть вана массатненень сави организовамс, сынт эйстэ вейамс туримас социализманть кисэ. Сынт эйстэ миненек сави кочесемс, совавтомо од ды максомс од тысячат партиав. Те вана ломанень материалось максозь минек. Минек задачанок теэмс эйстэдест кеметь, алак жала приань пуыцят пролетариатонь социалистической строительствань тевенть кис. Те задачась веша покш виев робута сон пек шождылгавтуви сеньсэ, што сонсь социалистической строительствась конкретностензэ ды моторназо марто ары вельть парол

*) Ушодксозо икелень номерсэ, пезэ моли.

школак туремстэ социализманть кис. Секс профсоюзонь ды парт организациянь робутань качестваво вопросось келей беспартийнсий массанть ютксо пролетарской воспитаниядо од рабочей классонть кадрато ары неень шкасто пек шкастэ.

Штобу максомс рабочей классонь молодняконтень пролетарской воспитания, ике лейгак эсь сэрэсэнзэ аравтомс марксистско-ленинской воспитаниянь вопросонть партиань члентнень икеле. Миненек эрви, штобу ала ащитя партианной организациясь уливель кеме мель марто ды политикань содыцат, штобу сон маштоволь тонавтомат СССР-энь социалистической стройкадо весе мастороень исторической значениядонть пролетариатонь чаркодимасо.

Те шкане, кода минь аравтаномо вопрос марксистско-ленинской воспитаниянь задачадо, минек а эрви стувомс сень, што касыть качественить ды количественной сдвигнэ рабочей классонть ды кодат лить тевезь задачат.

Кода кортатанок од обстановкато марксистско-ленинской воспитаниянь келейгавтумасо, минь истяжо асбисынез сень, што минек партианть составсо улить измененият, конат тевезь ды нейгак яла молить, Эрвейке не сынзэ генеральной линиянь успешнень СССР-энь кемекстамосо, се шкане кода касы ды келейгады мировой экономической кризисэс. Те седияк касы пролетариатонь кемима партианть, те неяви сеньсэ, што партиав моли массовой касумас, конань минь несынек эсь селымсэнек.

Мирной социалистической строительствань иетненень перть минь ловсынек основонть **колмо шкат** массовой стэ партиав совавтоментень.

Васень шкас селмаз Лениннень кулуманть марто, кода вадрят, кадровойт пролетарийтне штобу кемекстамс эсь партиаст, тысячасо мольсть партиав, те неэ максть покш пролетаризация партиань ряднэненень. Те ленинской наборе партиав мольсть рабочей классонь основонть кадратне, конат ютызе капиталистической эксплуатациянь школанть, революционной школань тураманть пролетарской диктатурань кемекстамонь кис.

Омбоце шкас партиав массовой молимась ульнесь сестэ, кода мольсь турима ленинизманть кис троцкистнень ды вить уклонистнень каршо. Сестэяз партиав совильть сырэ кадровойт рабочейейт, но те наборсонть ульнеть авуль а ламо од рабочейт, конат эшо а пек ульнеть калызь рабочеень туримасо.

Вейсэ партианть марто молезь, пачк кемезь сонзэ ланкс, виев бажамось, штобу вантамс партиань а калавтувица вевуванть, од пролетариатонь тысячатне мольсть партиав, штобу активнойстэ туремс опортунистнень кирнавомотнень каршо, конат кирнавлеть партиань генераль-

ной линиянь ланкс ды сонзэ ленинской ЦК-ань ланкс. Не кадратне, опортунизмань бойтнень ютазь, генеральной линиянт кис свал турезь, аволь покш сроке тевезь идейной турициякс, кепедизь эсис политикас солдамост ды тапшасть эсь потмозость опыт, кода вейамс массанть социализманть кис туреме.

Остатка, **колмоце шкас**, партиав массовой совамось молиней, те касумась моли секс, што партиань покш успехонзэ пятилеткань строямосо индустриясо ды коллективизациясо. Не од кадратне пеледест ламо од рабочей классато, конат эзизь юта се школанть, конань ютызе партиань члентнэ икелень кавто массовой набортнаде. Од кадратнень ютксо улить социци ютксто лисицят ды ошонь мелкобуржуазной слойтнаде. Партиав од массовой притококс аволь вишкине удельной весэнзэ коряс. Саты ёвтамс сень, што июлень 1 чис 1931 иень партиань кандидатнаде 40% весе партиань составдонть.

Те фактось пути минек ланкс покш обязательства, штобу робутамс одс примазь кандидатнень марто. Те партийной молоднякэ эрви теэмс кеме ленинецт-большевикт, конат маштовольть алжукс туреме партиань генеральной линияньт кис, конатненень уливель покш авторитетэст массанть икеле, штобу вейтивлизь мельгаст массанть туреме уголиянь, металонь ды сюронть кис, маштовольть стаканть пизнимо, пурнавольть массанть социалистической задачань теве вейамонь кис туриманть.

Те втеме илзю уде ютксоь партиань члентнэ ды рабочей массанть ютксо.

Тесе минек икеле покш эрва чинь робута, конась а топантв асияк партийной улетоманть секс, што «робутовомо, туримавомо комунизмань» «кичигань содамось мездеак а ащитя, секс што сон ютавтоволь тапшо сезиманть практиканть ды теориянь ютксо» (Ленин). **Штобу анокстамс алжуксонь большевикт партиав оц совазь слоенть ютксто, эрви вейамс эрва чинь виев робута политикас тонавтуманть, совавтомо сынт активной партийной эрямос, проверямс кода сын боевойстэ анокт се шкане, кода партиантень эрви большевикнэ приань а жалямось ды кеме чись.**

Весе ли лац ащит минек те тевезьт? Арась, малавгак а весе. Тейсынияз партийной тонавтуманть партиав кандидатнень лиякс 1/3 весе партиань составонть. Эрви меремс, што сехте покш промышленной районтэва Ленинград, Москов, Украина, Урал партучебасо кандидатнаде каподезь асатыктэ эль-эль пачкоде 30 процань весе кандидатнаде. Бути ловомс кода якити не школатнэ кандидатнаде, то алжуксонь процэнтэс кадуви седеак алкине.

Сайсынек вопросонть партиагрузкадонть кандидатнень ютксо. Тесэак тевезь ащит аволь парстэ. Авуль аламо истят факт: максыть оц партиав со видянень кодамояк нагрузка ды

истяк кадызь скамонзо кодамояк лезэвтеме.

Истямо марксистско-Ленинской воспитаниянь аравтуманть пинкстэ миненек а теви алжуксонь большевикесь те молодняконтэ эйстэ. Партиань кандидатнаде марто истя аравтозь робутась кармасынез кой-копа кандидатнэнь лисемеяк партиасто. Те ответственной робувань участканть эзизь чаркоть минек организациятне, штобу молоднякосто теэмс рабочеень ды трудидия массань ветидят.

А эрви истя жо кадомс венов **од производительной виэнь аравтниманть, значит рабочий классонь основной массанть од аравтниманть как.** Партияс арась се кинь ланкс, штобу теэмс од угольно-металлургической база чи лисима оно. Беметгь ды сядот промышленностень гигантэ строявить Советской союзонь истямо таркатнева, босо а умонь шкас арасельть промышленностень слетнеяк. Партиань национальной политиканть основанзо кувалт тевезь индустриальнойкс тапшо Россиянь кадовозь колониальной райотнэ Производителной виэнь аравтнимас минек масторо географиянь коряс канды покшт од касумат.

Тынь содасынек, кода пишестэ ащит **кадрань задачась новостройкитненень, канатнен пурнамс-сэрнямс голой таркасо.** Минь не кадратнеэ мастанок ляя промышленной работань эйстэ. Тевезь неяви, што моли перераспределения рабочей кадрань ды инженерно-технической работниченень, конат минек улить.

Виде, што не од промышленной пунктнесэ минек эрви келейгавтомс покш партийной робута. Таркатне тевезь от, кадратне эсть устава робуванть, эриво ащемань условиятнеяк няре а вельть вадрат. Партиань сельмесь ды партиань руководствась тевезь пек эрви. Партияс максы авуль а ламо лотать од строямотнес. Но те кияванть молезь минек а топантвотв кадрань задачатне ды сехте пек партийной кадратне од промышленной районтнесэ.

Саминь тынь **нацреспубликантнень, босо минек оц пурнави индустриальной базась.** Тосок моли партиань од члентнэ вербовкась национал-пролетарийтнень ютксо. Партработниченень кадратне а ламо, пек а ламо.

Миненек эрви анокстамс не партийной кадратнень националсто, теэмс эйстэдест вадрат большевикт секс, што кучозь ялгантненень а изнявить покш робуванть, конатне келейстэ сравувить тосо. Эрви келейгавтомс не кадратнень анокстамонть тоск таркасо. Партианной организациятнень улзоз покш тевекс, штобу аравтомс эрва чинь руководства партийной робувань келейгавтумасо неть социалистической стройкене сехте эрвикукт таркатнесэ. **Минек задачанок: тоск, таркасо, анокстамс кеме партийной организацианть, конат маштовольть максомо эрвикук строительстванть темпт, эрвикук стройкань качества ды эрвикук эриво-ащемань условият рабочейтненень.**

Секс вана, кода аравтан од очереднойт задачат марксистско-ленинской воспитаниядо, кодаак а сави тумэс ве ёнов те покш моментэ эйстэ, конась селмась промышленной пролетариатонь массанть перераспределениянь марто производительной виитнень аравтнимасо од географиянь марто.

Од обстановканть марксистско-ленинской воспитаниянь тевезь невтати не **социально-экономической сдвигнэяк, конат тевезь велесэнтэ.** Мон тевезь сая сень, што 15 миллион беднякко середняккой хозяйстват каподезь коллективизациясо ды тень эйстэ лисица воспитаниянь за дачатне. Не колхозникне ютызе парол, пшца классовой туримань школанть, конась селмазь коллективизациянь виев касуманть марто ды кулачестванть прок класс маштуманть марто. Чаркодэви, што тевезь воспитательной задачатне велесэ ве ёнов каямс а сави. Эсь шкастовозо Сталин ялгась мерькшнесь, што «ули-вель ош и б к а к с а р с м с, што б у д и м а к с о з ь колхознэ, то максозь весе мезь эривить социализмань строямонть. Седеак покш ошибкакс уливель истя арсемс, што колхозонь члентнэ тевезь социалистэкс. Арась, сави эше ламо робутовамс сень ланксо, штобу одокс теэмс социци-колхозникнень, ви теве сонзэ индивидуалистнень мелензэ ды теэмс эйстэнзэ алжуксонь социалистической обществань трудидия» (Сталин).

Велень хозяйствань машинизациясь келейстэ сравтозь совхозонь ды колхозонь основанть ланксо, классовой туримась те строительстванть перька, касыця пролетарской влияниясь велеть ланкс, —весе не вейсэ саезь одокс тевезь колхозникнень мелензэ. Но минек марксистско-ленинской воспитаниясь молезэ, пильгедь пилькс те задачат марто. Весе те корты сень кись, што минек эрви эрва кода кемекстамонзо велень партийной организацияньт, кепедемс сонзэ **идейно-теоритической содамонть, анокстамс кеме турицят социалистической велень хозяйстванть кис.**

Остатка иестэнь партияс совасть авуль аламо од члент колхозникнень ютксо. Бути минек икеле, кода мон евтынь вере, ишо покш робута марксистско-ленинской воспитания вейамс фабрично-заводской партиань кандидатнэнь ютксо, то авуль седе апошке, даже седеак стака задачас ащит минек икеле вейамс воспитательной робута велень кандидатнэнь ютксо. Колхозонь касуманть марто виевгады касумась партиавгак. Те задачатне кодак миненек а эрви стувтнемс марксистско-ленинской воспитаниянь задачань аравтомсто.

Марксистско-Ленинской воспитаниянь сехте покш вопросокс ащит партийной активитень марто робутадо. Покш социалистической строительствань касумась аравсь эрва кодамо руководящей ды партийной робутас ламо кадрат од партиань члент. Саминь, примеренть, минек цеховой ячейкань секретарьтнень.

(пезэ сы: нмерсэ)

КЕПЕТЬСЫНЕК ОБЛАСТЕНЬ ВЕЛЕНЬ ХОЗЯИСТВАНЫ ПРОМЫШЛЕНОСТЕНТЬ КЕМЕСТЭ КУНДАТАНО СОЦИАЛИСТИЧЕСКОЙ СКОТИНАНЫ ТРЯМО-РАШТАМО ТЕВЕНТЕНЬ Кастасынек коллективизациянты ды кемекстасынек сынст организационно-хозяйственной чист.

Облсолокомонь омбоце пленумсо КАРАУЛОВ ялганть докладсто.

Я Л Г А Т!

Областень советень васень промыслось пуць весе советской колхозно—кооперативной организацянть ды областень весе трудяцянть икедей задача—седей кеместэ кундама областень хозяйстванть социалистическойс теимантень.

Областень советень промыслось путокшность задача тундонь сюрю видманень тердем колхойс бедняконь ды середняконь хозяйствантень 40 процентс ды, штобу тундонь видима шканть областень хозяйстванть направлениязо полавтово.

Сюрюнь видематненъ прядозь теинек: коллективизациясь 14 процентс—областень советень промыслонть виц кайсь 34-5 процентс ды видемань паксянь плошадесь ульнесь кастозь 15,3 процент, эли лиякс меремс видемань планось ульнесь топавтезь 100 процентс колхознэ видесть 107 процентс, башка хозяйствань ветичатне—93 процентс ды совхознэ видесть 106 процентс.

Товарной технической культурной видима плавось топавтозь 60 процент. Товарной бобовой ды лия технической культурань видимань планось топавтозь сядо процентс седе ламос.

Июньстэ ВВП(б) обкомонь ды ВВП(б)-нь КК нь марто вейсэнъ пленумось пуць весе партийной организацянть икедей ды облассанть весе трудяцянть икедей задача: урожаень пурнамонтень ды сексь видемантень анокстама кампаниянь ютавтомо шканть. эшо седей кеместэ кундама коллективизациянтень, штобу те иевь сплочь коллективизациянь ютавтома задачанть основнойстэ прядомс.

Коде минь теинек те покш задачанть?

Неень четненъ вид областень среднейстэ колхойс соваст бедняконь—средняконь хозяйствантэ 63 процентс. Областень 4 районтэ: Чамзингане, косо совавтозь колхойс 94,5 процент весе бедняконь—средняконь хозяйствантэ, Игнатовань, Кочкуровань ды Краснослободской районтэ сплочь коллективизациянтень основнойстэ прядомс.

Меже максь урожаень пурнамо кампаниянтень анокстамось.

Урожаень пурнамонтень ды сексь видема кампаниянтень анокстама шканть организовазь (уш улесненъ вакс) 9 совхост, конатне стэ мушконь види 4, конатнеде ней весемезэ 6, тувонь трымо—раштавомань 3, конатнеде ней 11, ды вейке гигант (покш) оень ды ловсонь трестань, вейке промсовхозтрестань ды вейке модарькань тонавтнема комбинат Ичалкань районсо.

Совхознэ видема паксянь площадест 125 тыща гектарсто келейгавтозь 214 тыщат гектарс. Организовазь 11 МТС-нь вакс эшо 2 МТС т—Ромодановас ды махоргань види Саранской.

Тракторнэде весемезэ тунда сюрюнь видема шканть ютамс 55 стэ кармасть улема 667

трактор, урожаень пурнамонтень ютазь састэ эшо 70 тракторт. Организовазь 139 товарной ловсонь фермат косо "12121 скалт—ды товарной тувонь фермат 103 косо весемезэ 4800 тувот.

Совхознэ рога марто покш скотенатнэ 1300 прядо ламолгацть 6000 пряс. Областень промыслонть дерективазо ульнесь, што вете иень планонть прядомс рога марто скотенатне ламолгавомс 5000 пряс. Тестэ неяви, што топавтезь аравтозь цыфрандонть ламос.

Весе неть достижениянтене те евьст секс, вадрясто ютавтозь Ленинэнь национальной полетикась. Вадрясто туреть колхозно—кооперативной массатнэ ды весе трудяцянэ, коммунистической партиянть ветивксо. колхозной темпачнэ кияс.

Виентемс колхозонь хозяйствань кемекстамонтень

Областень келес коллективизациясь ютавтозь среднейстэ 63 процентс.

Коллективизациянь касоманзо марто ней задачанок. Эряви кемекстамс колхознэнь организационно—хозяйственной теветень.

Колхознэ трудонь учотсонть ламо эшо асатыксенэкс. Асатыксенэ сенсэ; Няроя районсо колхознэнь организационно хозяйственной кемекстамонтень ланкс берянтэ вансть. Те теветанть покш асатыксенэ Темниковань, Краснослободской, Текушевнэ, Зуб Поляннэ ды Старо—Шайговань районтэсэ.

Минек эшо ламо истят колхознон, косо аволь весе роботамо чист сермадезь трудовой книшкас. Те корты сень, што трудонть вадрясто апок ветя нользя вадрясто аравтомс хозяйства.

Робочей виень вадрясто те аравтозь, можна улесель максомс ламо роботник лия социалистической хозяйствас роботамо. Минек лисць лиякс, Асатыкь эшо. Эряви аволь валсо, теветэ ютавомс дерективанть, промышленностей робочеемь максомодо.

Решамс кадрань проблеманть

Минек покш, кадрань асат оманок, ды седеньгак пек колхозной кадрань.

Эряви аравтомс боевой задачка руководящей роботас парю ударникенъ, полеводонь ды бригадиренъ выдвиганиянтень. Ней ютавано курст—анокстамс кадрат но те аламо. Минанек ламо кадрат эрявить. Неть кадратненъ можем анокстамс аньсяк минсь. Колхозно—экономической техникумось максы кадрат зняро эрявить. Секс эряви пурнамс колхозной руководителенъ анокстама техникумт.

Виентемс колхознэ ланксо руководстванть

Колхозонь руководстванть ламо асатыксэ.

Советской апаратонть ды весе советской общественностентень эряви велавтомс чама ендю колхозной строительствантень. Минек улит истят случайть, што

вельсоветнэ председателес асоды, што сонзо территориясо пурназь колхоз, Эрява вельсоветнэ ды рикенть задачанзо общий руководствонть башка, лездема колхознэненъ эрява теветэ хозяйствань кемекстамосонть,

Маштомс совхозга прорыванть.

Областэ весе совхознэде Тундонь видима кампаниянь ютавомсто зняря советской хозяйстванть видимат прядомс, планост топавтезь 116 процентс, но яла теке советской хозяйствантень эга улит зняря асатыкс таркат, конат евтатить теветэ кувалт што совхознэ организовазь оц, сын эрит аньсяк васень ие, эшо омбоце обстоятелствас те, эше минек совхознэ берянтэ топавтезь кадрасо. Меже минь неинек зняря совхозга, примеркс сай-

ды силосонь чапавтоманть ютксо покш разрыв. Тень кувалт партиянт боевой директивазо прочной коромонь базань теимань коряс, прядови берянтэ. Исполнительной комитетнэ президиумось теветс решения, штобу сентябрьнэ ковось являвтомс ударноек силосонь чапавтомань кувалт, штобу октябрынь 1-нь чис прядомс кадонь шканть ды те еме решающей успех прочной коромонь базань теима теветс.

Анокстамс кадрат скотинаны трымо андуматевс.

Минь истяжо должны боевойстэ аравтомс задачанть кадрань анокстимонтень коряс, конат эрявить виевгатыця скотинаны трымо андома теветнэ.

Нилде кварталсонть эрявить анокстамс секте ламо кадрат.



Колхозникне сокить лов алов.

сынек зерносовхозонть косо ульнесь покш асатыкс тарат тундонь видима кампаниянт ютавомсто. Неть асатыкс таратне совхознэ ульнесь уборочной кампаниянтотьяк.

Минь киртянок ламо асатыкс таркат машинатненъ горючей ютасто. Весе те корты сая кувалт, што советской хозяйствантень организационно-хозяйственной те все эряви теемс боевой мерат сень кияс, штобу оц организовазь советской хозяйствантне примеркс сайсынек коноплеводческойтнешкасто ютавовлязь лов алов сомонтень ды вадрясто анокставлязь пряс сы иене тундонь видима кампаниянтень.

Скотинаны трымо андуматеванть аравтомс васень таркас.

Областной советень промыслось пуць задача теемс ды прядомс те иене скотинаны трымо андумат проблеманть минек эря-мокшонь областэ секс, што Эря-мокшонь областэ ашти скотинаны трымо андумат областекс.

Коде минь анокстатанок коромонь базань виевгатыця социалистической скотинаны трымо андумат теветнэ? Течень чинть самс чапавтозь кором 31 процентс, чувств ямат ды арсить тееме силосонь башнят, косо ули чапавтозь силос 60 процент планостонть, 50 процент минь аньсяк чапавтынек силосонь масса.

Силосонь ямань чувомасонть

тынь содасынк што тракторос латекс панемс амаштов!

Тече башка лишмесь кирдя покш значония странань ванс тума теветс.

Сексенъ видима планонть прядомс.

Течень чинть самс 14 районт видимат прядомс 91 процентс Тень кувалт эрявить теемс боевой мерат, штобу прядомс озимень культурань видима планонть ды таргамс икедей удалов кадовица таркатненъ; секте пек удалов кадавить Темниковань ды Краснослободской районтэ.

Канстенъ таргамонть прядомс срокс.

Яровой сюрюнь урядомось основнойстэ прядомс, но зняря районга озимой сюрюнь пурнамсто минек ульнесь асатыкс тарканок, Таркава районга сюрюнь скирдас вачкамонзо кувалт боевой директивас прядомс арасель (Рузаевкань ды Инсарань районсо) Истяжо берянтэ моли теветс технической культурань пурнамонтень коряс

Эряви, штобу канстенъ товарной продукциязо улесель роботазь 60 процентс январь 1-нь чис 1932 нес, остатка 40 процентось апрель 1-нь чис 1932 нес.

Лов алов сокамо

Кемнилие районга лов алов сокамо планось топавтезь 17 процентс. Декадиксень, кона ульнесь являвтозь краевой ды областной посевтракторнэ пельде, васенце сентябрынь чистэ сентябрынь меменце чис, максь пек брать результат.

Пленумось должен меремс сонцизь валонзо, што октябрынь васенце чис эряви теемс покшт успех, планонь топавтима, теветанть саязь большевикенъ темпат аньяк кона, кона районтэсэ.

Чамзинской райононь планось пачтызь 56 процентс, Зубово Полянкой 37 процентс, Кучкуровской 23 процентс, Ромодановской 8 процентс, Дубеновской 6 процентс.

Вурокто эряви сюлмавомс те теветне ды по боевому топавтеме те задачанть. Тракторной парка М.Т.С. 50 процент тягловой силанть эряви каямс, лов алов сокамо теветне.

Кредитнэнь ютавту маст кувалт.

Эряви меремс што минь берянтэ Кредитнесэ ютаванок теветс, конатнэнь поддыть теветс, штобу веленъ хозяйстванть тееме оц. Кредитнэнь теветс поддам планось топавтезь только 50%. Кевкстаню; Сумеем ли минь эшо получамо кредит, коли истя ютавано эйсэст теветс.

(пезэ сы номерсонть)

Саран ошонь кооперативной организацияне сезить общественной питанианть

Союзмясо, союзмолоко, плодовоць ды лия организацияне наксавтыть продукцнэнь.

Аравтомс общественной питаниань социалистической рельса ланкс

Общественной питаниань саран ошо ды лия таркава те шкас моли пек берьянста.

Столовонь ваннумась невтизе, што ванькс чись столовйтнень эйсэ ковтак а маштви, обетва брать ды питнейть, эрва швасто ламо савышны учем зяро максить ярамо. Весе не фактэ кортыть теде, што кооперативной организацияне эсть кунда топавтеме ЦК-ань публонтонь общественной питанианть кувалт. Эшо август ковсто обл РКИ-сь тейнесь налет кооперативной организациянень ды столовайтнень ланкс. Те налетось невтизе, што кооперативной организацияне преступнойста ветить робуанть общественной питанианть кувалт.

ОблРКИ нь бригадась ваннумась, кода робуать общественной питанианть кувалт союзмяса, союзмолоко, плодовоць ды лия организациянень. Не ваннуматне невтизе, што союз мясась ветит преступной робута. Союзмясань бойнясо скотинань печкимаць моли ветеринарной надзортомо. Ветврачесь мезяк а робуты. Администрациясь а ветти контроль сывелень ланкс. Бойнясто микшивить сывель, а пак вант сень ланкс, што союзмясань администрациясь а мери секс, што сывелесь асатвы столовйтнень.

Бойнянь заведущесь сывелень микшнеме аравтызе эсь хозяйганзо.

Бойнясо сывелеть салыть. Скотинань печкимаць актнэ видьстэ невтиять те саламанть, сынь сермадыть истя, штобу кияк идязо чаркоде; сермадовить колмо экземплярсо вейке омбоцде рознойть. Вейке экземплярсо кортаве вейкеде, а омбоцдэ омбоцде. Примеркс сайтно акт косо евтазь, што печезь 4 скалт, а актнэнь эйсэ сермадозь 4 скалтнэнь эйстэ анцяк 2 седейть, те корты, што 2 седейть ков бути емасть.

Ламо актнэнь эйсэ сывелесь

пек аламо живой онкстамонть коряс.

Актсо №82 1328 кг., живой вес анцяк 630 кг. Лия актсо живой онкстамось 1750 кг., а сывелесь 700 кг. Те весе невти, што сывелесь ков бути пелезэ еми. А вейке актсо тевесь лиясь мекей ланк. Живой онкстамось сермадозь 107 кг., а сывелесь лиясь 500 кг.

Сывелень складонь воннумасто РКИ-сь мусь, таго безобразият. Сывелень подвалось 3 чить ащесь панжадо а пак вант сень ланкс, што тосо ульнесь сывель, конась кармась колеме: кладовщикесь Емелин а соды зяро подвалонть эйсэ сывелесь. Бухалтерской книгасо сермадозь 4.171 кг. онкстамо сывелесь лиясь 9.127 кг. Сывелесь кармась колеме седе, што сонзэ эзизь ладяк эй ланкс, а пак вант, што эесь тосо анокстазь сывелень ванстамо.

Сывелень бракованть ветти администрациясь: браковить акттомо.

А седе парсте ащи тевесь «Молокосовзос», косо складнэнь эйсэ колить ламо килограмм топо РКИ-нь бригадась мусь 25 бокат топо марто, конась ушкармась колеме. Веседеде колльсь 57 центвер топо. «Молокосовзос» складонь заведующесь икеле ульнесь пержувань староста. Весе робуанзо сонзэ пек качады «церковной чинесь.» сон примась таркасто сыця ловсонь продукцнэнь кавто яланзо марто, конат робуатсь канцеляриясо. Лиснэсь истя, што колмо онест сынь сермадаль акт продуктонь а салмонть кувалт, конась меке бути пек покш накладнойтнень коряс. 28 августсто актонть эйсэ сермадозь 20 кг. асатыкс.

Бракованть ветясть неке жо ломатне. Кодамоак контроль сынет бракованть ланкс эзь ульть.

Плодовоць эзь кадовт не организациянень эйстэ. Сон наксавсь 3 вагонт умарть.

Плодовоць кундась тееме эмежень чапавтомо завод, конанть ланкс кодамоак ванумо арась.

Эмеж чапавтомо заводонь те иманть ланксо роботыть 250 ломать коватнень арась общественной столовой. Робочейтне эрить пек берьянста. Культурно-массовой робута мартоост а ветяве. Эрямо таркаст ковтак а маштви.

Плодовоць аравсь плансо теемс модарькань ванстомо пункт Торбеевасо, Кадошкинасо ды Атяшевасо—те иень сексенте, но темянь плантнэ сезевсть; те шкас а пак теить вейкеак ванстомань пункт.

Плодовоць араси ванстоме модарькатнень «коневонь» методсо—ванстомань роспискань саемсэ.

Общественной питаниань истяжо кавтак а маштви районной столоватнень эзга.

РайПотне эсть кундак те тевете, эсь пурнак фондт общественной питанианть ланкс.

Комсомоловь организацияне, кода саран ошо истяжо и районтьнэнь эйсэ ащить ве ево общественной призавить эздэ.

Обласной КК. РКИ-нь келейгавтозь совещаниясо кортавьсь, што Мокшарьянь областенте эряве анокстамс 350 специалист общественной питаниань тевс саран ошо ды Рузаевасо курок панжувить поваронь курст, конатнень ланкс комсомолонте эряве кучомс эсь ломать.

Комсомолонте эряве ветьямс келей массово-разъяснительной робута трудия од ломатнень ютксо общественной питанианть кувалт, эряве пек лошамс мешидятнень те политически важной тевень топавтемасо. Анцяк трудия массань кепедез аравсьнек общественной питанианть социалистической рельса ланкс. Топавсьнек ВКП(б) ЦК-ань по становлениянть.

Бригаданть пельде: Н. С.

Маштомс призывень анокстамосонть опортунизманть.

Кочк. районсо, Пакся Тавла велесэ призывень анокстамонть ды ютавтоманть коряс роботатсь моле лавшосто. Партийной, комсомольской, профсоюзонь ды лият организацияне те робуанте кода эряве эсть кунда, ловнума кудось истя жо призывикнень ютксо кодамоак массово-разъяснительной робута эзь веля. ОСО нь организациясь призывень анокстамонте бую кундакшось, но

сонзояк колхозонь правлениясь лотканызе. Август ковонь 31 чистэ пурнакшось ОСО-нь бюрось, сон теекшнэсь истямо решения, штобу кармаме призывикнень юткс робуанть ветямо, ютавтемс ютксо маршировкат, тонавтомс ружиянь частнень, эрва недлясто терянеме призывикнень промекст ды лият. Кода не вулятне пачкоцть колхозонь правлениянь председателенте. Бардин яланть

пилесь сон весе тевень лотканызе. Сон кортась ней а шкэ тесэ кольнемс, мон а мерянь, мо леть армияв ды тосо тонадыть. Неть валтнэ опортунизмань, истят валтнэнь каршо яволятомс война. Эряве партийнони, комсомольской ды лият организациянень призывень ютавтомасо робутамс, кучомс армияв грамотной шумбрат ломать.

Начваяк.

ЮВКОРОВЬ СЕРМАТ

Ветьямс од скотинась вейсэнъ кардайс.

Кочжуровань районсо, Гузында велень колхозось тейсь вейсэнъ стада, стадасонть васнаде 103 прят колхозникне анокстасть вейсэнъ кардо.

Улить колхойсэнт истят колхозникт, конат эсист од скотинатнень вейсэнъ стадас а ма-

сыть. пример животноводось Петьня Кузя эсь вазензо кирдэ асинэз кеца.

Эряве колхозонь правлениянте, штобу весе колхозникне эсь од скотинаст ветявлизь вейсэнъ стадас.

Ф. Темпов.

Кода ащи тевсь силосонть марто?

Ст. Шайговань районсо, МЮДчитнень комсомолонь виисэ пурнасть 12 якстере обозст, конатнэсэ уексты суро государст

вав 4.721 пондо. Микшнестэ заем 3.155 целковой ланкс.

Райкомол Пензин.

Пештенк зяматнень

Ичалковань районсо, Ламбаскель велесэ «Вейсэ вий» колхозось планонь коряс чувсь 5—6 силосонь ямат. Яматне чувось июлень васень четнесто, но тешкамс яматне силосонь массасо а пак пештя, а пак чапавто. Ламбаскель колхозось покш. Липмензэ 200 ды скаловзо 40. Кором скотина-

тнень эсть анокста. Мезде скотинатнень тельня кармить андоме, аздав.

Эряве весеме колхозникнень правлениянте, седьяк пек коммунистнэнь ды комсомольской ячейкатнень куроксто чапавтомс силосонь яматнень.

П. М. Е.

Топавтыть заемонь планонть

Ичаловь районсо, кевде велень комсомолонть ударнойста топавтыть заемонь миеманть. Колхозга заемос миевь пландо велеть. Башка—эриятнень ютксо комсомолонь виисэ миевь

заемдонть 600 целковой ланкс. Миемась моли нейгак. Эряви седе курок топавтемс планонть, а кадомс вейкеак башка эрявэ заемонь облигациятомо.

Минця.

Кавто знамят.

С.Майданской вельсоветонть Ковылкинань районсо максось переходящей якстере знамя сехте паро робуанть кис коллективизациясо ды лия хозяйственно-политической кампаниянь ветямо со. С.Майданской вельсоветонть эль кацаво удалов Н.Шеневскоесь, конась курок топавсь коллективизациянь сплос, бути Майданской вельсоветонть темпнэнь, знамясь карми улеме кецтнэзэ, саезь ды макуви Пшеневской вельсоветонть.

Ст. Сазоновка велентень максось рогожань знамя сехте берьянста коллективизациянь ве

тямонть кис. Те сехте потыця район.

ГК-сь макссь премия сехте паро роботникнэнь коллективизациянь ды весе хозяйственно-политической кампаниянь ветямо со. Вельсоветонь председателне ды РКК-ань уполномоченнойне 250 целковой эрванень, макувить армакт культурной строительства ланк сехте икеле молия велетнень. Истямо методнэ ветямодо 15 сентябрэстэ 25 сентябрэс коллективизациясь кайсь 5 колхоз ланкс, конатнень ютксо 1 колхоз мокшарьянь. Весемезэ совавтозь колхозов 70 хозяйстват.

М. Бябин.

КАПИТАЛИСТНЭНЬ МАСТОРГА

Германиясо.

Берлин ошо, кода полициясь эзь нолда од ломатнень демонстрациянь ютавтомом, яла теке, мезе ланкс как а пак вант трудия од ломатне ютавсть демонстрацият. Истя жо ютавсть демонстрацият Германиянь лия оштнэваяк. Эрва косо демонстрациянь ютавтомс

мто робоченъ од ломатне совасть комсомолс. Поралыц провинциясо совасть комсомолс трудиянь од ломать 261 ломань. Рурской областэ сувасть комсомолс 12 соц. демокр., 21 бывший нац. соц. ды 13 католической од ломать.

Венгриясо.

Будапешт ошо МЮД-нь чинть комсомолось чинь чоп ютавсь демонстрацият. Демонстрациянэсэ ламо ульнэсть безработнойть. Демонстрациянень ютавтомс

полициянь ды робоченъ ютксо ульнэсть туримат. Турематнэстэ 1 одробочей раянэсть ды 20 ломань пектасть тюрьмас.

Польшасо

Варшава ошо, МЮД-нь чинть ошонь сех берьянь ульнэсь демонстрация. Демонстрациянень панцизе полициясь. Полициянь налетсонть мащтовсть 9 иесэ тейтерть.

мащтовсть 9 иесэ тейтерть.

Ответственный редакторось В. ЦАРЕВ,